



Bosnia and Herzegovina
 Federation of Bosnia and Herzegovina

CANTON SARAJEVO
Ministry of Economy

Broj: 01-05-26804-47/19
 Sarajevo, 13.08.2019. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

Predmet: Odgovor na zastupničko pitanje zastupnika Zvonka Marića

Zastupnik Zvonko Marić na jedanaestoj radnoj sjednici Skupštine Kantona Sarajevo, održanoj dana 15.07.2019. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo postavio je sljedeće **zastupničko pitanje**:

"Molim Vladu KS i resorno ministarstvo, Upravu za šumarstvo da mi dostavi Operativni plan zaštite šuma od bespravnih aktivnosti na području Kantona Sarajevo iz 2012. godine ili noviji ukoliko postoji."

Odgovor:

Zaključkom Vlade Kantona Sarajevo broj: 02-05-21773-1/12 od 12.07.2012. godine utvrđen je Operativni plan zaštite šuma od bespravnih aktivnosti na području Kantona Sarajevo čiju kopiju Vam dostavljamo u prilogu ovog akta.

S poštovanjem,

Prilog: Operativni plan zaštite šuma od bespravnih aktivnosti na području Kantona Sarajevo-kopija


Dostavljeno:

1. Naslovu,
2. Vladi Kantona Sarajevo-na znanje,
3. Evidenciji,
4. Arhivi.



web: <http://mp.ks.gov.ba>
 e-mail: mp@mp.ks.gov.ba
 Tel: + 387 (0) 33 562-121, + 387 (0) 33 562-122
 Fax: + 387 (0) 33 562-226
 Sarajevo, Reisa Džemaludina Čauševića 1





Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

**OPERATIVNI PLAN ZAŠTITE ŠUMA OD BESPRAVNIH AKTIVNOSTI
NA PODRUČJU KANTONA SARAJEVO**

Sarajevo, juli 2012. godine

SADRŽAJ

Uvod	1
Identifikacija vrste problema.....	2
Prijedlog mjera za suzbijanje bespravnih radnji.....	6
Plan mjera u zavisnosti od nadležnosti institucija.....	7
Zaključak.....	8
Aktivnosti po Akcionom planu	9

I. Uvod

Šume i šumska zemljišta, kao dobro od općeg društvenog interesa uživaju posebnu brigu i zaštitu Federacije BiH i Kantona čije se vrijednosti manifestuju kroz ekološke, socijalne i proizvodne funkcije šuma.

Ukupna površina šuma i šumskih zemljišta bez obzira na tip vlasništva na području Kantona Sarajevo iznosi 82.998,88 ha. Od ukupne površine šuma i šumskih zemljišta, u državnom vlasništvu se nalazi 70.746,80 ha (85,24%) a u privatnom 12.252,08 ha (14,76%).

U 2009. godini donešena je Uredba o šumama („Službene novine Federacije BiH“, broj: 83/09), sa ciljem kontinuiteta funkcionisanja gospodarenja šumskim resursima u Federaciji BiH. Razlog donošenja ove Uredbe o šumama, je presuda Ustavnog suda Federacije BiH broj: U-29/08 od 14.04.2009. godine („Službene novine Federacije BiH“, broj: 36/09 od 27.05.2009. godine), o povrijeđenosti prava lokalne samouprave na upravljanje šumskim resursima koja nisu bila obuhvaćena Zakonom o šumama iz 2002 godine. Kako i Uredba o šumama nije donešena u skladu sa zakonskim propisima, Ustavni sud Federacije BiH donio je Presudu 06.06.2011. godine („Službene novine Federacije BiH“, broj:34/11), da se ista može primjenjivati sa rokom od šest mjeseci do 06.12.2011. godine, kao prijelazno rješenje dok se zakonom uredi ova materija.

Shodno navedenom trenutno u Federaciji BiH ne postoji propis koji uređuje oblast šumarstva. Ovakvo stanje implicira negativne konsekvence u poslovima upravljanja i gospodarenja šumskim resursima Kantona Sarajevo. Mišljenje koje je dao Ustavni sud Federacije Bosne i Hercegovine („Službene novine Federacije Bosne i Hercegovine“ broj: 77/10) Zakon o šumama stavljen je van snage čime je došlo do određenog pravnog vakuma u ovoj oblasti.

Nezakonite aktivnosti koje su prisutne na području Kantona Sarajevo ogledaju se uglavnom u bespravnim sječama, prisustvu nelegalnih reznih jedinica, stavljanju u transport neevidentirane drvene mase, uzurpiranja šumskog zemljišta, prisustvu neregistrovanih ćumurana, nedozvoljenom iskopu kamene frakcije, odlaganju smeća kao i ostalih aktivnosti koje nisu u skladu sa Zakonom o šumama – Uredbe o šumama.

Uprava za šumarstvo, u okviru redovnih aktivnosti, zaključno sa 31.12.2011. godine, podnijela je ukupno 329 prijavi od čega: 275 zahtjeva za pokretanje prekršajnog postupka, 52 zahtjeva za pokretanje krivičnog postupka protiv fizičkih lica koja su izvršila bespravnu sječu ili bespravni promet drveta i 4 zahtjeva za pokretanje ostalih prekršajnih prijavi.

Registrovane i neregistrovane štete načinjene u šumi i na šumskom zemljištu iziskuju potrebu i cjelovito djelovanje institucija sistema: čuvara šuma, policije, šumarske, građevinske, tržišne inspekcije i šumsko privrednog društva K.J.P. „Sarajevo šume“ d.o.o. Sarajevo.

Uvažavajući aktuelne okolnosti, a u cilju prevazilaženja nastale situacije, nameće se potreba stvaranja efikasnog, cjelovitog Plana zaštite šuma od bespravnih aktivnosti za područje Kantona Sarajevo. Učešće u izradi plana trebale bi uzeti sve navedene institucije sistema. Planom je predviđena identifikacija vrste problema, lokacija vršenja protuzakonitih radnji, razlozi činjenja nezakonitih djela te prijedlog mjera i aktivnosti koje bi ovu oblast uredile na adekvatan način.

II. Identifikacija vrste problema

II.1. Aktuelna problematika bespravnih aktivnosti

Preuzimanjem čuvanja šuma od strane Ministarstva privrede-Uprave za šumarstvo od marta 2010. godine konstantno se susrećemo sa problemom bespravnih sječa, koje su iz dana u dan čini se sve veće. Izgleda da je njihov glavni generator i pokretač velika ekonomska kriza i nezaposlenost stanovništva.

Najveći problem vezan za zaštitu šuma odnosi se na bespravne sječe šumskih drvnih sortimenata i ogrjevnog drveta. Sječe se vrše najčešće u neposrednoj blizini puteva i traktorskih vlaka. Područje kojim gazduje K.J.P. "Sarajevo-šume" d.o.o. Sarajevo je relativno dobro otvoreno putnim komunikacijama (11,6 km na 1 000 ha). Dobra otvorenost puteva, uz sve dobre strane, u slučajvima krađe šume je negativna jer šumokradice za kratko vrijeme mogu preći entitetsku granicu i nisu dostupni bilo kakvoj kontroli. Nužno je uspostavljanje što bliže saradnje sa šumarkom čuvarskom službom i policijom drugog entiteta.

Ne postoji pravilo kada vremenski dolazi do krađa šume, dešava se u bilo koje doba dana i noći, praznikom, radnim danom i uglavnom tokom cijele godine. Počinioci su registrovana i neregistrovana lica nerjetko i više puta procesuirane osobe. Nije rijedak slučaj fizičkih nasrtaja, pa i potezanje orudja na službena lica – čuvare šuma. Šumo kradice u ostalom kao i svi kriminalci trude se da idu korak ispred zakona, korištenjem mobitela uspješno markiraju obilazak terena, prate kretanje čuvara šuma i tim onemogućuju hvatanje počinioca na djelu.

Bespravno posječena drvena masa se stavlja u promet putem svih mogućih prevoznih sredstava: automobilima, traktorima, kamionima, vozilima posebno opremljenim za ove aktivnosti. Veliki procenat ovih vozila je tehnički neispravan i neregistrovan.

Kao glavni razlog bespravnih sječa četinarskog drveta je i postojanje nelegalnih reznih jedinica. Oko 80 nelegalnih reznih jedinica kao i radionica za proizvodnju klupa, stolova i druge drvene galanterije nalazi se samo na području općine Ilijaš. Postavljene su u šumi ili u neposrednoj blizini šume tako da ih je veoma teško držati pod kontrolom i spriječiti dolazak drvene mase na iste. Rezne jedinice većinom su zatvorenog tipa, tako da je čuvaru šuma onemogućen svaki pokušaj ulaska u objekat i kontrola istih. Koordiniranom akcijom: čuvara šuma, inspekcijских organa (šumarske, tržne, građevinske inspekcije), policije i K.J.P. "Sarajevo-šume" vršile bi se kontrole robe, validnosti dokumentacije, posjedovanja građevinske, upotrebne dozvole i ostale potrebne dokumentacije. Roba bez potrebne dokumentacije ili bez čekića na licu mjesta bi se oduzimala a objekti bi se pečatili.

Prema odredbama Uredbe o šumama, pozajmišta prirodnog šljunkovitog materijala mogu koristiti samo Šumsko privredna društava ukoliko su Šumsko gospodarskom osnovom predviđena za te namjene. Obzirom da K.J.P. „Sarajevo šume“, nisu Šumsko gospodarskom osnovom predvidjele za korištenje većinu pozajmišta to je veliki pritisak za bespravno korištenje ovih pozajmišta. Obzirom da je na području Kantona Sarajevo veliki broj ovakvih pozajmišta (50-80) vrlo je teško kontrolisati ista.

U toku proljeća, ljeta i jeseni javlja se veliki broj šumskih požara. Požari se uglavnom javljaju kao posljedica čišćenja privatnog poljoprivrednog zemljišta. Naime mještani, radi čišćenja vlastitih livada i njiva, pale suhu travu po istim, odakle se požar širi na okolnu šumu i šumsko zemljište.

Na području Kantona Sarajevo česte su pojave manjih bespravnih zauzeće zemljišta-uzurpacija, što ne predstavlja značajan problem u radu uprave. Mnogo veći problem predstavljaju bespravna zauzeća koja su se desila prije početka rada Uprave za šumarstvo, pa se sada ne zna njihov status. Ovdje se radi o bespravnim zauzećima sa već izgrađenim objektima za koje se ne zna dali je i podnesena prijava za bespravno zauzeće ili ako je podnesena da li je ista riješena.

II. 2. Područja sa najvećim stepenom ugroženosti od bespravnih sječa po općinama

U okviru izrade operativnog plana Ministarstvo privrede-Uprava za šumarstvo je jasno definisala i locirala područja na kojima se dešavaju bespravne sječe i evidentirala sva područja-lokacije koja su najviše ugrožena bespravnim sječama.

- a) U proteklom periodu, na području **općine Ilijaš**, najveće štete u privatnim šumama su bile oko Ilijaša i na lokalitetu zvanom „Kose“, kod Nišića. Na ostalim područjima bespravne sječe u privatnim šumama bile su uglavnom počinjene od strane samih vlasnika. Štete su kao i u prethodnom periodu vršene na većem broju lokaliteta: Malešići, Paljevo, Ribarići, Gornja i Donja Bioča, Kadarići i Ljubnići. Bespravne sječe liščara u državnim šumama su vršene na većem broju lokaliteta: uz kanjon rijeke Misoče, Nabožić, Krtine, Haluge, Popovići, Malešići, Bioča, Kadarići, Ljubnići, Povoča, Taračin Do, Draževići, Srednje i Medojevići. Na gornjem dijelu općine kao glavni razlog bespravnih sječa četinarskog drveta je postojanje oko 80 nelegalnih reznih jedinica kao i radionica za proizvodnju klupa, stolova i druge drvene galanterije. Postavljene su u šumi ili u neposrednoj blizini šume tako da ih je veoma teško držati pod kontrolom i spriječiti dolazak drvne mase na iste. Problem predstavlja što su rezne jedinice većinom zatvorenog tipa tako da je čuvar šuma onemogućen svaki pokušaj ulaska u objekat i kontrola istih. Bespravne sječe i prevoz drvne mase vrše se najčešće u noćnim satima, a nisu rijetki i slučajevi verbalnog i fizičkog napada na lugara. Bespravne sječe su uglavnom oko naselja i mjesta gdje su instalirane rezne jedinice, a to su šira područja oko sela Crna Rijeka, Stomorine, Lađevići, Korita, G. Ivančići, Malinovica, Visojevica, Homar, Vukasovići, Draževići, Vilić, Sudići, D. Selo, Vrutci, Rakova Noga, Cvjetojevići, Kongorje, Lipnik, Dragoradi, Udrabi, Gajine i Vladajevići. Na dva područja, a to su Orlja i Visojevica, bespravno posječena drvena masa se vozi na teritoriju susjednih općina Olova i Istočni Stari Grad. U većini slučajeva vrši se samo sječa, a onda se čeka pogodan momenat da se drvena masa preveze do rezne jedinice.
- b) Na području **općine Trnovo**, bespravne sječe se pojavljuju na više mjesta, ali su najizraženije uz putne pravce Trnovo – Delijaš – Grebak - Goražde, Trnovo – Dejčići – Igman i Krupac – Babin Do – Tušila. Bespravne sječe mimo ovih putnih pravaca su uglavnom manje i lakše se suzbijaju. Na pomenutim putnim pravcima bespravne sječe se javljaju u svako doba dana i noći od 00-24 h. Ovdje je otežavajuća okolnost što počinioč bespravne sječe ukoliko se na vrijeme ne otkrije vrlo brzo prelazi entitetsku granicu i tada mu se gubi svaki trag. Iz putnog pravca Trnovo – Delijaš – Grebak - Goražde, počinioč vrlo brzo (za 15 min.) pređe entitetsku granicu u reonu Bogatića i tada se gubi mogućnost njegove daljnje kontrole. Iz putnih pravaca Trnovo – Dejčići – Igman i Krupac – Babin Do – Tušila, počinioč ukoliko se na

vrijeme ne locira i ne obavjesti policija vrlo brzo u reonu Krupca prede entitetsku liniju. Uz dobru saradnju sa policijom Policijske Uprave Ilidža, Odjeljenja Trnovo najčešće se počinioci bespravnih sječa presretnu i sankcionišu.

Poslove Policijske Uprave Ilidža, Odjeljenja Trnovo na terenu obavlja jedna policijska patrola, koja ne može istovremeno da kontroliše sve putne pravce a sam čuvar šuma ne može na putu zaustaviti počinioce bespravnih sječa. Često se dešava da dok policijska patrola stigne iz Trnova na Bjelašnicu ili sa Bjelašnice u Trnovo, počinioci pređu entitetsku granicu i ostanu ne evidentirani.

- c) Na području **općine Centar**, najveće štete u privatnim šumama su bile u regionu Uglješića, ispod Orlića-Bušća brdo ulaz od Kobilje glave prema Bušću i Žući te uz putnu komunikaciju Petrovići-Brus kao i u regionu Vučija Luka (Doline) koji se nalazi na putnoj komunikaciji Vučija Luka-Srednje. Najčešće i trenutne štete se dešavaju na lijevom kraku puta iz pravca Vučije Luke prema Dolinama i u Vučijoj Luci lokalitet Vran Stijena do kojih se dolazi putnom komunikacijom Vučija Luka. Na lokalitetu Crepoljsko na granici sa entitetom najčešće se krađe dešavaju iz pravca Vučije Luke, lokalitet Babin Potok (žarište) tj. krađe se najčešće dešavaju na putnoj komunikaciji Visojevica-Stublina ili u većini slučajeva od Tovarišta, lokalitet Tihovići i Tihovička brda prema Motici sa lijeve strane putne komunikacije Blagovac-Tihovići. Također, evidentno je prisustvo visokog intenziteta bespravnih sječa na lokalitetima: Radića potok i odjel 1 G.J. "Vogošća-Bulozi"-lokalitet od Kremeša prema bazenu za vodu - odjeli 1 i 2 G.J. "Donja Ljubina" -lokalitet Vranjak, koji se vode kao minirani i do kojeg se dolazi putem od Semizovca i Nebočaja.

Bespravne sječe se dešavaju i na lokalitetima Reljevo Dvor- Rajlovac, šuma Treskin do, Mujkića brdo, privatne šume preko puta glavne deponije smeća u Smiljevićima, Barice (Markovića gaj) sa desne strane puta iznad Faletića i Hladi voda i oko vrela Mošćanice, Također su izrazitim bespravnim sječama izložene i slijedeće šume u privatnom vlasništvu i to: lokalitet Žirka, lokalitet kasarne Butila, kao i šuma Dofeka i privatne šume prema Hendekuši, lokalitet Djevojačke Vode, a naročito šuma zemljoradničke zadruge Ilidža i lokalitet Matijaševo brdo, kao i šume na širem lokalitetu Rječice i Paljeva.

Također treba napomenuti da čuvari šuma kao i referenti za privatne šume u obavljanju svojih poslova imaju dobru suradnju i podršku od strane policijskih uprava Stari Grad, Ilidža, Novi Grad i Vogošća, a slabu saradnju sa policijskom stanicom iz RS-a.

- d) Na području **općina Hadžići-Ilidža** bespravne sječe većeg intenziteta se javljaju oko naseljenih mjesta, a naročito su izražene u širem području Rakovice, Drozgomatve, Grivića, Osenik, te padine Igmana. Naročito velikog intenziteta su bespravne sječe u krugu bivše kasarne Žunovnice gdje nije regulisan status pomenutog terena. Lokalno stanovništvo se bavi bespravnim sječama i u rizičnim tj. miniranim područjima kao što su: Kokoška – Vela, Kobiljača – Buhotina, kasarna Žunovnica, brdo Obeljak, Gunčar, Stupnik, Oštrik itd.

II. 3. Bespravni transport drvne mase

Prijedlog stalnih i povremenih kontrolnih tačaka po općinama za kontrolu prometa šumskih drvnih sortimenata

U cilju efikasnije borbe protiv bespravni sječa neophodno je formiranje stalnih i povremenih kontrolnih tačaka na kojima bi se u saradnji sa policijom i inspekcijom vršila detaljna kontrola porijekla i prometa šumskih drvnih sortimenata.

Općina Ilijaš

Stalne kontrolne tačke potrebno je realizovati na slijedećim lokalitetima:

Dio magistralnog puta Sarajevo – Tuzla na relaciji Semizovac – Krivajevići.

Povremene kontrolne tačke potrebno je formirati na slijedećim lokacijama:

Srednje – Visojevica – Vučija Luka, D. Čevljanovići – Gajevi – Dragoradi - Gajine, Gajevi – Podlipnik – Sirovine, Misoča – Nabožić - Mahmutović Rijeka, Ilijaš – Bioča, Malešići – Paljevo

Općina Trnovo

Stalne kontrolne tačke potrebno je realizovati na slijedećim lokalitetima:

Za područje odjeljenja Trnovu na Igmanu u blizini Policijskog objekta i u blizini mosta u mjestu zvanom Garež u širem reonu Trnovo.

Povremene kontrolne tačke potrebno je formirati na slijedećim lokacijama:

Za područje odjeljenja Trnovo da policijska patrola Policijske uprave Ilidža Odjeljenja Trnovo povremeno kontroliše sve izlaze lokalnih i šumskih puteva na magistralne puteve uz putne pravce Trnovo- Krupac – Sarajevo, Trnovo – Delijaš – Grebak - Goražde, Trnovo – Dejčići – Igman i Krupac – Babin Do – Tušila.

Općina Vogošća

Stalne kontrolne tačke potrebno je realizovati na slijedećim lokalitetima:

Radića potok, Policija Semizovac.

Povremene kontrolne tačke potrebno je formirati na slijedećim lokacijama:

Kod Crvenog križa u Radića potoku, Punkt Krivoglavci.

Općina Novi Grad

Povremene kontrolne tačke potrebno je formirati na slijedećim lokacijama:

Bojnik.

Općina Stari Grad

Povremene kontrolne tačke potrebno je formirati na slijedećim lokacijama:

Hreša

Općine Hadžići-Ilidža

Stalna kontrolna tačka na magistralnom putu M 17– Mostarsko raskršće.

Povremene kontrolne tačke potrebno je formirati na slijedećim seoskim lokalnim putovima: Širi lokalitet Tarčina gdje na magistralni put izlaze lokalni putovi, širi region Pazarića gdje na magistralni put M 17 izlaze lokalni putovi, širi region Hadžića gdje na magistralni put izlaze lokalni putovi, lokalitet Rakovice (centar) izlazak puteva iz (pravca Kamenoloma, Kobiljače, Zenika, Vele), Hendekuša.

II. 4. Zapljena i lagerovanje drvene mase

U skladu sa članom 9. Ugovora o prenosu poslova gospodarenja nad svim državnim šumama i šumskim zemljištima u administrativnim granicama Kantona Sarajevo predviđena je obaveza K.J.P. "Sarajevo-šume" d.o.o. o preuzimanju, deponovanju i čuvanju privremeno oduzete drvene mase.

U praksi predviđeni model evidentno nije funkcionisao usljed niza objektivnih i subjektivnih okolnosti. Prije svega to se odnosi na neblagovremeno obezbjeđenje utovara i prevoza ukradene drvene mase.

Iz navedenih razloga neophodno je koncipirati efikasniji način realizacije ovih poslova. Shodno navedenom, a u cilju efikasnije borbe protiv bespravnih sječa, predlaže se ili obezbjeđenje kamiona sa dizalicom putem javnog poziva (iznajmljivanje) ili kupovina navedenog sredstva rada. Također, i obezbjeđenje potrebne radne snage u fazi privlačenja drvene mase do kamionskog puta.

Kamion sa dizalicom i neophodna radna snaga moraju biti dostupni tokom 24 sata radi brze i pravovremene manipulacije drvnom masom.

III. Prijedlog mjera za suzbijanje bespravnih radnji

Najveći dio poslova na spriječavanju bespravnih radnji, čuvari šuma u saradnji sa policijom uspješno obavljaju, ali određene bespravne radnje se ne mogu eliminisati bez angažmana organa šire društvene zajednice.

Da bi u narednom periodu bespravne radnje sveli na minimum potrebno je slijedeće:

- U saradnji sa MUP-a i Kantonalnom šumarskom inspekcijom, na različitim lokacijama provoditi stalne kontrole transporta drvene mase, kako oblovine tako i rezane građe.
- Federalna i Kantonalna uprava za inspekcije neophodno je da vrši stalne kontrole na terenu rada nelegalnih reznih jedinica uz provođenje mjera zabrane daljnjeg rada istih.
- Da se od nadležnih općinskih građevinskih inspekcija zatraži uklanjanje cirkulara i brenti koji nemaju dokumentaciju za postavljanje istih.
- Sa MUP-a, Kantonalnom inspekcijom i tužilaštvom kantona provoditi plijenidbu sredstava rada sa kojima se izvršavaju bespravne radnje (motorna pila, prevozno sredstvo itd.).
- U saradnji sa Ministarstvom saobraćaja dogovoriti postavljanje saobraćajnih znakova i rampi kako bi se na šumskim putevima zabranio saobraćaj motornim vozilima.
- Da se uposlenici Uprave za šumarstvo a prvenstveno čuvari šuma opreme potrebnom opremom i sredstvima za efikasno izvršenje osnovnih zadataka kako je propisano

Pravilnikom o vršenju poslova čuvara šuma. Nabavka uniformi, naoružanja, mopeda i mjesečnih dopuna za mobilni aparat.

- Provoditi preventivne metode u cilju stalnog informisanja građanstva o značaju i ulozi šumskih ekosistema.

Ovo su prijedlozi i aktivnosti čijom realizacijom bi se u buduće bespravne radnje svele na najmanju moguću mjeru.

IV. Plan mjera u zavisnosti od nadležnosti pojedinih institucija

Za efikasnu borbu protiv bespravnih sječa neophodna je optimalna realizacija svih poslova iz djelokruga nadležnosti ključnih institucija. Sve institucije moraju djelovati u međusobnoj koordinaciji-sinergiji kako bi rezultati bili adekvatni. Veoma je važan proces redovnog mjesečnog izvještavanja između pomenutih institucija kako bi se blagovremeno otklanjali svi nedostaci u procesu realizacije navedenih aktivnosti.

Uprava za šumarstvo

- pojačati kontrolu obima i kvaliteta izvedenih radova u odjelima sa redovnom i sanitarnom sječom kako u fazi izvođenja tako i u tehničkom prijemu radova,
- oduzimati i zapisnički predavati izuzetu drvenu masu predstavnicima K.J.P. "Sarajevo-šume",
- obavještavati druge nadležne institucije da poduzmu mjere iz domena svoje nadležnosti kao što su K.J.P. "Sarajevo-šume", MUP i inspekcijски organi,
- kontrola zakonitosti rada uposlenika Uprave za šumarstvo i predvidjeti mjere i sankcije protiv lica u čijem se radu utvrde nepravilnosti i protuzakonite radnje,

K.J.P. "Sarajevo-šume"

- u odjelima sa redovnom sječom vršiti sabir, izvoz i prodaju ogrijevnog drveta ili to omogućiti većem broju lica, a takođe planirati oko naseljenih mjesta izdavanje ogrijevnog drveta na panju za vlastite potrebe lokalnom stanovništvu i na taj način zadovoljiti njihove potrebe,
- dosljedno se pridržavati Odluke Vlade F BiH o načinu maloprodaje ogrijevnog i tehničkog drveta lokalnom stanovništvu,
- pridržavati svih preuzetih obaveza u skladu sa Ugovorom o prenosu poslova gospodarenja, a posebno veći angažman u zaplijeni bespravno posječene drvene mase i omogućiti uplatu samom počiniocu bespravne sječe,
- pridržavati svih obaveza u skladu sa Godišnjim planom zaštite šuma od požara,

Ministarstvo unutrašnjih poslova-MUP

- vršiti zaplijenu drvene mase, a posebno sredstva sa kojim je učinjeno nezakonito djelo,
- samostalan i zajednički obilazak i kontrola ugroženih lokaliteta, a posebno rubnih dijelova općine,
- kontrola prometa na stalnim i povremenim kontrolnim tačakama.

Kantonalna uprava za inspekcijske poslove

- zaplijenu drvne mase u oblom ili rezanom stanju,
- zabrana rada svih nelegalnih reznih jedinica,
- kontrola porijekla i prometa šumskih drvnih sortimenata na stalnim i povremenim kontrolnim tačkama.

V. Zaključak

Pored prezentiranih ključnih razloga, obim bespravnih sječa uzrokovan je i postojanjem velikog broja nelegalnih reznih jedinica (pokretne brente i radne mašine) koje se nalaze na različitim lokacijama. Problematika suzbijanja rada ovih reznih jedinica je isticana u više navrata u proteklom periodu. Obzirom da ovaj problem prevazilazi nadležnosti Uprave za šumarstvo, isti se nastoji riješiti kroz koordinirano djelovanje sa MUP-a, kantonalnim i općinskim inspekcijskim organima. U proteklom periodu, i pored pismenog obraćanja Policijskim upravama, Federalnoj i Kantonalnoj upravi za inspekcijske poslove nije ostvarena bolja koordinacijom u borbi na zaštiti i čuvanju šume. Pored svih preduzetih mjera od strane Uprave za šumarstvo i K.J.P. "Sarajevo- šume" ovaj problem je i dalje prisutan na terenu, što se može posmatrati kao rezultat teške ekonomske situacije stanovništva, pojave ekonomske krize i velikog broja nerješениh socijalnih slučajeva.

Također, evidentan je problem veoma dugog perioda od podnošenja pa do konačnog procesuiranja prijave, ponekad to bude i godina dana. Samo brzo sankcionisanje pa makar ono bilo i blaže može dovesti do zadovoljavajućih pomaka i efekata na terenu.

Formiranje koordinacionog odbora gore navedenih struktura bi, zajedničkim djelovanjem, doprinjelo rješavanju navedenih problema. Odbor bi se sastajao periodično (mjesečno, kvartalno, po potrebi) i organizirao zajedničke akcije na terenu. O svom radu bi transparentno podnosio izvještaje.

Sve relevantne institucije trebaju raditi poslove samo u okviru svojih nadležnosti i tada će rezultati borbe protiv bespravnih sječa biti znatno efikasniji.

Provođenjem navedenih mjera predviđa se smanjenje svih bespravnih radnji (sječe i transporta šumskih drvnih sortimenata) kao i prestanak rada nelegalnih reznih jedinica.

Akcionni plan/set mjera za implementaciju planiranih aktivnosti

SPECIFIČNI CILJ	AKTIVNOST	INDIKATOR USPJEHA	ODGOVORNOST	MJERLJIVOST	PRIORITETI	ROK
STC: Bespravne sječe						
SPC 1.1: Precizno definiranje nadležnosti Uprave za šumarstvo, MUP-a i Inspekcijjskih organa	A1: Procjena stanja trenutnog obima bespravanih sječa	Smanjenje ilegalnih aktivnosti, pozitivniji stav javnog mnjenja	- Uprave za šumarstvo, - Inspekcijjskih organa - KJP „Sarajevo- šume“		I	
	A2: Izrada akcionog plana u borbi protiv bespravanih sječa	Usvajanje akcionog plana	- Uprave za šumarstvo, - MUP-a, - Inspekcijjskih organa - KJP „Sarajevo- šume“		I	
	A3: Formiranje koordinacionog tijela	Formirano koordinaciono tijelo	- Uprave za šumarstvo, - MUP-a, - Inspekcijjskih organa - KJP „Sarajevo- šume“		I	
	A4: Definirati način međusobnog obavještavanja i razmjene podataka	Mjesečno obavještavanje	- Uprave za šumarstvo, - MUP-a, - Inspekcijjskih organa - KJP „Sarajevo- šume“		I	
SPC 1.2: Definisane područja gdje se dešavaju bespravne sječe	A1: Utvrđivanje svih područja/lokacija koja su ugrožena od bespravanih sječa	Izrada plana	- Uprave za šumarstvo, - Inspekcijjskih organa - KJP „Sarajevo- šume“		I	
	A2: Definisane najugroženiji i ostali područja/lokacija	Plan ugroženih područja Plan aktivnosti za ostala područja	- Uprave za šumarstvo, - Inspekcijjskih organa - KJP „Sarajevo- šume“		I	
	A3: Stalna kontrola najugroženih područja	Plan kontrole	- Uprave za šumarstvo - Inspekcijjski organi		I	
	A4: Monitoring i analiza sprovođenja plana	Mjesečni izvještaji	- Uprave za šumarstvo, - Inspekcijjskih organa - MUP-a	- stepen smanjenja bespravanih sječa	I	

SPC1.3: Zapijena drvene mase	A1: Određivanje mjesta za deponovanje izuzete drvene mase	Definisana lokacija	- Uprave za šumarstvo - KJP „Sarajevo- šume“		
	A2: Izuzimanje drvene mase i deponovanje na mjestima koja su određena	Izuzeta drvena masa	- Uprave za šumarstvo, - MUP-a, - Inspekcijjskih organa - KJP „Sarajevo- šume“	- količina izuzete drvene mase - broj podnešenih prijava	
	A3: Prodaja izuzete drvene mase putem licitacije		- KJP „Sarajevo- šume“	- količin prodate drvene mase	
	A4: Monitoring i analiza provedenih aktivnosti	Mjesečni i polugodišnji izvještaji	- Uprave za šumarstvo - Inspekcijjski organi	- stepen smanjenja bespravno izuzete drvene mase	
	STC: Bespravni transport drvene mase (oblovine, rezane građe i mobilijra)				
SPC 2.1: Utvrđivanje putnih komunikacija koje se koriste za transport bespravno posječene drvene mase	A1: Definisane putnih komunikacija (šumskih i lokalnih) na kojima se obavlja transport drvene mase	Izrada plana	- Uprave za šumarstvo, - MUP-a, - Inspekcijjskih organa - KJP „Sarajevo- šume“		I
	A2: Uspostava koordinacionog tijela za praćenje navedenih aktivnosti	Koordinaciono tijelo	- Uprave za šumarstvo, - MUP-a, - Inspekcijjskih organa - KJP „Sarajevo- šume“		I
	A3: Uspostava stalnih kontrolnih tačaka -24 sata i povremenih kontrola na putnim pravcima koji nisu definisana kao prioriteta ostalih tačaka na putnim pravcima	Kontrola	- Uprave za šumarstvo, - MUP-a, - Inspekcijjskih organa		I
	A4: Kontrolna patrolna osmatranja reona	Zajednička kontrola jednom sedmično	- Uprave za šumarstvo, - KJP „Sarajevo- šume“		I
	A5: Monitoring provođenja navedenih kontrola	Mjesečni izvještaji	- Uprave za šumarstvo, - MUP-a, - Inspekcijjskih organa		II

SPC 2.2: Zaplijena i izuzimanje bespravno transportovane drvene mase	A1: Zaplijena i lagerovanje drvene mase na mjestima koja su određena		- Uprave za šumarstvo, MUP-a, - Inspeksijskih organa - KJP „Sarajevo- šume“	- količina izuzete drvene mase - broj podnešenih prijava	I	
	A2: Predaja izuzete drvene mase putem licitacije		- KJP „Sarajevo- šume“		I	
STC: Nelegalne rezne jedinice						
SPC 3.1: Identifikacija postojanja nelegalnih reznih jedinica i stavljanje u zakonski okvir koje zadovoljavaju uslove	A1: Utvrđivanje tačnih lokacija i broja nelegalnih reznih jedinica	Smanjenje postojanja istih	- Uprave za šumarstvo, - Inspeksijskih organa		I	
	A2: Izdavanje odobrenja za rad koje zadovoljavaju zakonom predviđene uslove		- Općine na čijoj se teritoriji iste nalaze	- broj izdatih odobrenja za rad		
	A3: Pečaćenje i zatvaranje nelegalnih reznih jedinica koje ne zadovoljavaju uslove za rad		- Inspeksijski organi	- broj zapečaćenih nelegalnih reznih jedinica	I	
	A4: Monitoring praćenja rada reznih jedinica		- Inspeksijski organi		I	